

მშენებლის ახივების



29 ივნისი
პარასკევი
N16 (2061)
2007 წელი

გაზეთი გამოდის
თვეში ორჯერ

ივანე ჯავახიშვილის სახელობის თბილისის სახელმწიფო უნივერსიტეტის გაზეთი გამოდის 1927 წლიდან ფასი 30 თეთრი

როგორც ნესტან-დარეჯანია ქაჯათის ციხიდან გამოსახსნელი, ისე ცხინვალის მოსახლეობაა კოკოითისგან დასახსნელი

„ვეფხისტყაოსნის“ კითხვის დღე თამარაშენში

ნიმუ კაკულია

საქართველოს ტერიტორიული მთლიანობის აღდგენის პრობლემის მშვიდობიანად მოგვარების ტაქტიკა კიდევ უფრო მობილური ხდება. თავსმოხვეული ქართულ-ოსური კონფლიქტის დარეგულირების პროცესში პოლიტიკური და სახალხო დიპლომატია, რომლის ისტორიულ-კულტურული მეგობრობაც იმზე გაცილებით ძლიერია, ვიდრე ეს ქართველი და ოსი ხალხის საერთო მონინააღმდეგე შეიძლება ეგონოს. ისტორიული ტრადიციებისა და მეხსიერების განახლებაში საქართველოს ინტელექტუალურ ნაწილს განსაკუთრებული როლი უკავია. გასულ კვირას, პირველად ისტორიაში, ევროპარლამენტის ტრიბუნაზე სახელმწიფო მინისტრაციულ-ტერიტორიული ერთეულის ხელმძღვანელმა დიმიტრი სანაკოევმა მსოფლიოს გასაგონად გაახსენა ოსი ხალხის ნება საქართველოსთან ერთად ევროპისკენ სწრაფვის თაობაზე. „საქართველო ბრუნდება ევროპაში, რომელიც იყო მისი ბუნებრივი გარემო. საქართველოსთან ერთად ევროპაში უნდა დაბრუნდეს ჩემი კუთხე, სამხრეთ ოსეთიც. ამ კონფლიქტის მოწინააღმდეგეებს გასაღები სწორედ ევროპაშია. იყავით აქტიური, რათა გადავარჩინოთ ჩვენი შეილები მომავალი კონფლიქტის მოწინააღმდეგეების ერთადერთი გამოსავალი ქართველ და ოს ხალხს შორის პირდაპირი დიალოგია,“ – განაცხადა სანაკოევმა ევროპელი პოლიტიკოსების წინაშე და დესტრუქციული ძალების გასაჩივრებლად საერთა-



შორისო თანამეგობრობას მხარდაჭერისკენ მოუწოდა. მისი თქმით, დღეს კონფლიქტის ზონაში მუდმივი შიშისა და სიძულვილის არსებობისთვის პროპაგანდისტული მანქანა მუშაობს, ოსი ხალხი კი იმ რეჟიმის მსხვერპლად იქცა, რომელიც რუსეთის დიქტატორ ცხინვალში არსებული მდგომარეობის შენარჩუნებაზე ორიენტირებულია. ევროპარლამენტის ტრიბუნაზე

ოსი ხალხის ნების გახმოვანებამდე დიმიტრი სანაკოევმა თანამემამულეებთან ერთად თამარაშენში თბილისელ სტუმრებს უმასპინძლა. ქართველებმა და ოსებმა ერთად წაიკითხეს „ვეფხისტყაოსანი“ და ამით ერთმანეთს თითქმის ყველაფერი უთხრეს. 17 ივნისს ქართულ-ოსური კონფლიქტის ზონის სოფელ თამარაშენში, ივანე მაჩაბელის სახლმუზეუმში „ვეფხი-

სტყაოსნის“ მართლწილობითი კითხვის დღე გაიმართა. ეს იდეა უნივერსიტეტის გამომცემლობის დირექტორს ნუგზარ ნიკოლაურს ეკუთვნის. ლონისძიების ორგანიზატორები თბილისის სახელმწიფო უნივერსიტეტთან ერთად გამომცემლობა „ლიტერა“ და მწერალი დათო ტურაშვილი იყვნენ.

მ-4 გვირგვინი

უნივერსიტეტში, სპარაუდოდ, შეიმოგვარა ქართულ-ოსური ურთიერთობის ინსტიტუტი გაიხსნება



ივანე ჯავახიშვილის სახელობის თბილისის სახელმწიფო უნივერსიტეტში, სავარაუდოდ, შემოგვარდება ქართულ-ოსური ურთიერთობების ინსტიტუტი გაიხსნება. ამის შესახებ უნივერსიტეტის რექტორმა გიორგი ხუ-

ბუამ თამარაშენში „ვეფხისტყაოსნის“ მართლწილობითი კითხვის დღეს სამხრეთ ოსეთის დროებითი ადმინისტრაციული ერთეულის ხელმძღვანელთან, დიმიტრი სანაკოევთან საუბრისას განაცხადა. ქართულ-ოსური ურთიერთობის ინსტიტუტის ჩა-

მოყალიბების ინიციატივა რექტორს ეკუთვნის. გიორგი ხუბუამ იმედი გამოთქვა, რომ დროებითი ადმინისტრაციული ერთეულის ხელმძღვანელი, რომელმაც უნივერსიტეტის წარმომადგენლებს მხარდაჭერა აღუთქვა, ქართულ-ოსური ურთიერთობის ინსტიტუტის ფორმირების პროცესში აქტიურად ჩაერთვება. „ქართულ-ოსური ურთიერთობის ინსტიტუტის გახსნა ძალიან კარგი ღონისძიება იქნება არა მარტო წმინდა აკადემიური, მეცნიერული თუ კულტურული თვალსაზრისით, არამედ დარწმუნებული ვარ, რომ მას ქართულ-ოსური ურთიერთობების დათბობის პროცესში აქტიური მუშაობის სურვილიც ექნება“, – აღნიშნა რექტორმა. მისი თქმით, ოსური კულტურის განვითარების თვალსაზრისით უნივერსიტეტს საკმარისი რესურსები აქვს. უნივერსიტეტში არიან ოსური ენისა და ოსური კულტურის სერიოზული მკვლევარები. „გვინდა მოვანყოთ ოფისი, სადაც წარმოვაჩინოთ ოსეთის ისტორიის, კულტურის, ოსურ თქმულებებს... დარწმუნებული ვარ, ამ პროცესში ჩვენ

გვექნება ცხინვალის უნივერსიტეტის აქტიური მხარდაჭერა“, – იმედი გამოთქვა რექტორმა. როგორც გიორგი ხუბუამ აღნიშნა, ქართულ-ოსური ურთიერთობის ინსტიტუტის სახით შეიქმნება ერთგვარი ინტელექტუალური ცენტრი, სადაც რამდენიმე სერიოზული გამოცემის პრეზენტაცია მოეწყობა, შედგება საინტერესო შეხვედრები ოსური ინტელიგენციის, კულტურის, მეცნიერების თვალსაზრისით წარმომადგენლებთან. ამას ექნება არა სპონტანური, არამედ სისტემატური ხასიათი. „ოსურმა მხარემ უნდა დაინახოს, რომ ქართველები ოსური კულტურისა და მეცნიერების განვითარებით დაინტერესდებიან არიან. მათ, ამ კუთხით, შიშის საფუძველი არ აქვთ. ჩვენ არ მივისწრაფვით ოსური კულტურის ასიმილაციისაკენ, პირიქით, ჩვენ ოსური მეცნიერებისა და კულტურის განვითარების ხელშეწყობა გვინდა. ამ მიზნით, ასე ვთქვათ, „აგრესიული“ პროპაგანდის პროცესში ჩავეერთვებით“, – განაცხადა უნივერსიტეტის რექტორმა გიორგი ხუბუამ.

ანონსი
ახალი წესდების
დამტკიცებით
უნივერსიტეტის
ავტონომიურობაზე
მიტოვა-მოთქმას,
ალბათ, წარბილი
დაესმება

1A-3 AA.

გეორგიანის სოციალ-
დემოკრატიული
პარტიის წევრები
„სხვაგან სამსახური“
უნდა იყოს
და არა თსუ-ში
საქმიანობა

რა პრობლემები
გამოიკვეთა მიმდინარე
სახსრავლო წელს

1A-3, 7 AA.

არ უნიკალაა, ჩვენი
ნებისმიერი
აქტიურობა მხოლოდ
პოლიტიკურ ინტერესებს
მიაწერონ

სტუდენტური თვითმმართველობა ერთი წლისაა

1A-5 AA.

თსუ-ში სწავლის
გაგრძელების
მსურველთათვის
პაპანსიასის უსახურ
ნაგებობაში
15 ივლისისთვის
გახდება სწავლის
ბაზა

1A-2 AA.

სტუდენტებმა
სარეპრეზენტაციო
პატივსაცემი
უნდა დაიწყონ

1A-2 AA.

ჯერ მხარე ჭამე,
კვლავ ტკბილი...

პროგრამა –
„სახანძროლო სამუშაოები
სტუდენტებისთვის –
2007“

1A-11 AA.

როგორც ნესტან-დარეჯანი ქაჯათის ციხიდან გამოსახსნელი, ისე ცხინვალის მოსახლეობა კოკოითისგან დასახსნელი

„ვეფხისტყაოსნის“ კითხვის დღე თამარაშენში

პირველი გვერდიდან

„ვეფხისტყაოსნის“ კითხვა 7 საათი გაგრძელდა. აქციის მონაწილეებმა შოთა რუსთაველის პოემა თავიდან ბოლომდე წაიკითხეს. „ვეფხისტყაოსნის“ საჯარო კითხვაში დიმიტრი სანაკოვემაც მიიღო მონაწილეობა და ოსურ ენაზე ნათარგმნი „ვეფხისტყაოსნიდან“ რამდენიმე სტროფი წაიკითხა. მან შოთა რუსთაველის პოემის საჯაროდ კითხვას მნიშვნელოვანი მოვლენა უწოდა და აღნიშნა, რომ ეს ტრადიცია მომავალ თაობებსაც უნდა გადაეცეთ. ადგილობრივი მოსახლეობა ღონისძიებას ბოლომდე დაესწრო. კონფლიქტის ზონაში „ვეფხისტყაოსნის“ მართლმართლი კითხვის მნიშვნელობაზე აქციის მონაწილეებმა ისაუბრეს.

დათო ტყეშელაშვილი, მწერალი:

— „წელს გადავწყვიტეთ, რომ „ვეფხისტყაოსნის“ კითხვა რეგიონებში დაგვეწყვიტო, რადგან ჩვენთვის მხოლოდ თბილისი არ არის დედაქალაქი, ჩვენთვის დედაქალაქია საქართველოს ნებისმიერი სოფელი თუ რაიონი. გვინდა, სხვადასხვა კუთხეში „ვეფხისტყაოსნის“ კითხვა ტრადიციად ვაქციოთ. დღეს ჩვენ ვდგავართ უძველეს ქართულ მიწაზე და ამ ხალხს ვუბნებით, ჩვენ არ ვართ იარაღის ენაზე მოლაპარაკე ადამიანები, ჩვენთვის კულტურული და სულიერი ფასეულობები ძალიან მნიშვნელოვანია.“

„ვეფხისტყაოსანი“ — ეს არის უნიკალური ნიგნი, რომელმაც ხელი შეუწყო საქართველოს გაერთიანებას. ეს ნიგნი ეკუთვნის ყველას, მიუხედავად მისი ეთნიკური წარმომავლობისა.

რვა საუკუნის წინ დაწერილ „ვეფხისტყაოსანში“ ყველა თანამედროვე პრობლემის ამოხსნის გზას იპოვით.

„ვეფხისტყაოსნის“ კითხვის იდეა ესპანური გამოცდილებიდან მოდის. ესპანელებისთვის ასეთი ნიგნი სერვანტესის „დონ კიხოტისა“.

ანა კორძაია-სამადაშვილი, მწერალი:

— „როგორც პირამიდები არ ეკუთვნის მხოლოდ ეგვიპტეს, ასევე არ არის „ვეფხისტყაოსანი“ მარტოოდენ ქართველების. ის ყველასია: ოსების, ფრანგების, ჩინელების... მთელი დედამიწის. ერთხელ თუ მოვიდეს ხელი, ვერასოდეს ვეღარ ვგლიჯებთ. მას ნებისმიერ ასაკში გადაიკითხავ. ავინც მოყვარესა არ ეძებს, იგი თავისა მტერია“ — ეს ხომ ყველამ ისედაც ვიცით, უკვე გენში ზის, უბრალოდ, კიდევ ერთხელ ამის თქმა უფრო კარგია და არ შეიძლება ამის ხმამაღლა წარმოთქმა ვინმეს აზნიბედეს.

სულ მასხენდება ხოლმე, 1968 წელს სან-ფრანცისკოში, როდესაც მშვიდობიან დემონსტრანტებს იარაღი მიუშ-

ვირეს, გოგონებმა თმებიდან ყვავილები ამოიღეს და ლულეებში ჩატყნეს. ნათქვამია, ადამიანი რომ ილიმება, მუშტს ვერ დაარტყამო. არ შეიძლება ასეთი აქციები სამიში იყოს. პირიქით...

მამუკა ხარხაულიძე, მწერალი:

— „მიხეილ ჯავახიშვილი ამბობდა: „თუ გინდათ, რომ ქართული ენა კარგად ისწავლოთ, სამაჩაბლოში უნდა წახვიდეთ“ — ის, კონკრეტულად, შიდა ქართლს გულისხმობდა, რადგან აქაურები ქართულად განსაკუთრებით კარგად მეტყველებენ. ცნობილია, რომ „შექსპირი“ ისე კარგად არავის უთარგმნია, როგორც ივანე მაჩაბელი.“

აქედან 50 მეტრში იწყება ცხინვალის კონტროლირებადი ტერიტორია. თამარაშენი ისეთივე ქალაქი იყო, როგორც ცხინვალი. ისტორიულ წყაროებში ნათქვამია, რომ თამარაშენში ქართველები, ებრაელები და სომხები ცხოვრობდნენ. დღეს ცხინვალში მხოლოდ ოსური ოჯახები არიან. ეს რეგიონის ავტორიტარულობასა და კრიმინალურობაზე მეტყველებს. არ მგონია, რომ ქართველებსა და ოსებს შორის ამ მშვიდობიან და კულტურულ დიალოგს ავტომატმა შეუშალოს ხელი.

ჩვენი აქციის დევიზია — „ვინც მოყვარესა არ ეძებს, იგი თავისა მტერია“. — ეს მიუთითებს სახელმწიფოს პოლიტიკაზე, რომელსაც ქართულ-ოსური პრობლემის გადასაჭრელად სახელმწიფო ატარებს.

კოკოითი რუსების მიერ დანაშაული მარინეტი. ის ოსები, რომლებიც მძევლად ჰყავთ გამოწყვედულნი, მალე გამოფხიზლდებიან და, ალბათ, მერე უკვე ეს ერთი მუჭა კრიმინალი ხალხი ვეღარ შეაჩერებთ. იმედი მაქვს, რომ ისინი ქართულ სახელმწიფოში ცხოვრებას მოახერხებენ. ასე რომ, ყველა სიტყვას და აფორიზმს შედეგი ექნება. ყოველი ჯადოსნური სიტყვა აუცილებლად მიაღწევს იმ ადამიანებამდე, ვისთვისაც ამას ვკითხულობთ.“

თამარ ხიზანაშვილი, კულტურის დეპარტამენტის ხელმძღვანელი სანაკოვეის მთავრობიდან:

— „რუსთაველის „ვეფხისტყაოსანი“ მხოლოდ ნაწარმოები ხომ არ არის, ეს არის მთელი იდეოლოგია, რისი ცოდნაც ასე ძალიან ჭირდება მთელ საქართველოს. ეს არის სამოქმედო პროგრამა, რომელიც არა მხოლოდ შენს ქვეყანას, არამედ მთელ მსოფლიოს ეკუთვნის. „ვეფხისტყაოსანი“ სწორად ვკითხულობთ მაშინ, როცა ძალიან მიჭირს. მე ცხინვალის ქართული თეატრის რეჟისორი ვარ. რაც უფრო ხშირად შევასხენებ ჩვენს მოსწავლეებს, სტუდენტებს და ადგილობრივ მოსახლეობასაც — რა კულტურას ატარებენ ისინი, რაც უფრო ხშირად ჩაერთვენ ბით „ვეფხისტყაოსნის“ ზოგადსაგებობ-



რიო მნიშვნელობის იდეების პროპაგანდაში, მით უფრო დავინახავთ შედეგებს. ეს შედეგი იქნება ისეთი, როგორც საქართველოს სჭირდება.

ადგილობრივ მოსახლეობას უყვარს ეს ნიგნი. დარწმუნებული ვარ, რომ ოსი პოეტები, ლიტერატორები, ის ადამიანები, ვინც ცხინვალშია და დღეს ამ აქციაში მონაწილეობას თავს არიდებს, აუცილებლად შემოგვიერთდებიან, თუკი ჩვენ შევეცდებით მათთან ურთიერთობის დამყარებას. ისინი ხომ წ წელია ითმენენ იმას, რაც ხდება. ცხინვალში ძირითადად თბილისის სახელმწიფო უნივერსიტეტის კურსდამთავრებულები ცხოვრობენ. მათ დღესაც აქვთ ჩვენი სიყვარული. მსგავსი აქციები ერთდღიანი კი არა, არამედ ყოველდღიური და ყოველწლიური უნდა იყოს. როგორც ნესტან-დარეჯანი ქაჯათის ციხიდან გამოსახსნელი, ისე ცხინვალის მოსახლეობა კოკოითისგან დასახსნელი.

ჩვენ შეგვიძლია „ვეფხისტყაოსანი“ ოსურ ენაზეც წავიკითხოთ. ამ რეგიონს ეს ძალიან სჭირდება. დღეს ამ ღონისძიების მასპინძელი ივანე მაჩაბელის სახელობის მუზეუმი. მას ნატყვიარები ჯერ კიდევ ეტყობა, მუზეუმი, ფაქტობრივად, დანგრეულია, მაგრამ ვეცდებით, იგი მოიზრებოდეს, რო-

გორც კულტურის დიდი კერა საქართველოში“.

ნუზარ ნიკაური, თსუ-ის გამომცემლობის დირექტორი:


— „თბილისში ეს ღონისძიება სამჯერ გაიმართა. დღეს ყველაზე მეტად ეს კუთხე საჭიროებს სიყვარულსა და თანადგომას. ისეთი გულუბრყვილო არ ვარ, რომ ვიფიქრო — კონფლიქტი ერთი ასეთი ღონისძიებით მოგვარდეს, მაგრამ „ვეფხისტყაოსნის“ კითხვა თუ ერთ ადამიანს მაინც დააფიქრებს, რომ მტრობას მშვიდობა სჯობს და რომ კეთილი აუცილებლად სძლევეს ბოროტს, მაშინ ღონისძიების მიზანი მიღწეულია. კითხვას ჩვენ სხვა რეგიონებშიც გავაგრძელებთ. რუსთაველი და „ვეფხისტყაოსანი“ იმ ერთადერთი მიზნით იმოგზაურებენ, რომ კაცთმოყვარობის იდეალები მთელი საქართველოს მასშტაბით განავრცონ.“

ბია სუპუა, თსუ-ის რექტორი:

— „ნებისმიერი ერი, რომელსაც კულტურული ტრადიციები გააჩნია, აუცილებლად უნდა იყოს განწყობილი სწორედ დიალოგისთვის, მიმტვებლობისა და პატივისთვის. ერთიან და ძლიერ საქართველოში ოსებს ძალიან დიდი პერსპექტივა ელოდებათ.“

დარწმუნებული ვარ, რომ შეგვიძლია ავაშენოთ ისეთი სახელმწიფო, რომელიც იქნება მაგნიტივით და ნებისმიერი ერის წარმომადგენელს მიიზიდავს და დაანახებს, რომ საქართველო მათ განვითარების რეალურ შანსს სთავაზობს“.

საქართველოს სახელმწიფოს ფარგლებში სამხრეთ ოსეთის ფართო ავტონომიის მოდელისა და ოსი ხალხისთვის პოლიტიკურ-კულტურული თვითმყოფადობის გარანტიები, რა თქმა უნდა, ქართველებისა და ოსების თანაცხოვრების საფუძველზე რეალიზებადია. შეუქცევად პროცესს ვერანაირი სანგრების გაძლიერებული თხრა და მუდმივი შიშის სინდრომის შენარჩუნება ვერ შეაჩერებს, რადგან ცხინვალთან ახლოს, ტყვიამფრევეების პარალელურად, ქართულ და ოსურ ენებზე სიმღერისა და ლექსის ხმაც ისმის. იქ იცანა, რომ ერთი სახელმწიფო დროშის ქვეშ, საქართველოს ძლიერების ოქროს ხანაში, ქართველებს და ოსებს საერთო ისტორიული გამარჯვებები აქვთ მოპოვებული და წართმეული ფასეულობების დაბრუნების ერთობლივი მცდელობა უკვალოდ არც ამჯერად ჩაივლის.



ევროპის სამეზობლო პოლიტიკა და ახალი სამაგისტრო პროგრამა – „ევროპული სწავლებები“

თბილისის სახელმწიფო უნივერსიტეტში 2006 წლის მაისიდან მიმდინარეობს *Tasis*-ის პროექტი: „ევროპული სწავლებლების ინსტიტუტი“. პროექტის მიზანია ახალი სამაგისტრო პროგრამის – „ევროპული სწავლებები“ (*European Studies*) – შექმნა. პროექტს ევროკავშირი აფინანსებს და პიერ მონდეს ფრანს უნივერსიტეტის (*UPMF*, გრენობლი, საფრანგეთი) კონსორციუმში ახორციელებს. პროექტის დირექტორია პროფესორი ივან სამსონი, სამუშაო ჯგუფის ხელმძღვანელი – პროფესორ-ემერეტუსი ალბან რიშარი, ხოლო პროექტის ადგილობრივი კოორდინატორი საქართველოს საზოგადოებრივ მეცნიერებათა უნივერსიტეტის პროფესორი ცირა ჩიკვაიძე.

მაკა ლოკონენი

26-30 ივნისს ბათუმში პროექტის – „ევროპული სწავლებლების ინსტიტუტი“ ფარგლებში მიმდინარეობს სემინარი თემაზე: „სამეზობლო პოლიტიკა და ევროპული სწავლებლები უმაღლეს განათლებაში“. სემინარის მიზანია იმ სამაგისტრო პროგრამის საბოლოო სახით ჩამოყალიბება, რომელიც მომავალი აკადემიური წლიდან თბილისის სახელმწიფო უნივერსიტეტში დაიწყება. პროექტი ითვალისწინებს, ასევე, თსუსის ოთხი ფაკულტეტის (ჰუმანიტარულ მეცნიერებათა, ეკონომიკისა და ბიზნეს-

სის, იურიდიული და სოციალურ-პოლიტიკური მეცნიერებათა) ბაზაზე ახალი სტრუქტურული ერთეულის – ევროპული სწავლებების ინსტიტუტის – ჩამოყალიბებას. ახალი სამაგისტრო პროგრამა სწორედ ამ ინსტიტუტის ვეგით განხორციელდება.

„ევროპული სწავლებები“ საქართველოში ახალი აკადემიური დარგია. ჩვენს უმაღლეს მარტივ გზა აგვეჩინა და ყოველგვარი ცვლილებების გარეშე გადმოგველო რომელიმე დასავლური უნივერსიტეტის გამოცდილება, სადაც ამგვარი პროგრამები დიდი ხანია ხორციელდება, მაგრამ ჩვენთვის სასურველ შე-

დეგ ვერ მივაღწევით, ანუ არ გვექნებოდა ქართულ მოთხოვნებსა და პრიორიტეტებზე მორგებული პროგრამა“, – განაცხადა ქალბატონმა ცირა ჩიკვაიძემ.

2006 წლის დეკემბერში ახალი სამაგისტრო პროგრამის შემუშავების მიზნით ჩატარდა ვორკ-შოპი, რომელშიც თბილისის სახელმწიფო უნივერსიტეტის ადმინისტრაციის წარმომადგენლები, ჰუმანიტარულ მეცნიერებათა, ეკონომიკისა და ბიზნესის, იურიდიული და სოციალურ-პოლიტიკურ მეცნიერებათა ფაკულტეტების პედაგოგები მონაწილეობდნენ. სემინარზე შეიმუშავეს სამაგისტრო პროგრამის მოხაზნი, რომლის დასვენა და საბოლოო სახით ჩამოყალიბება ბათუმის სემინარსა და ვორკ-შოპზე გამიზნული.

„ბათუმის სემინარში ჩვენი სომეხი კოლეგებზე იღებენ მონაწილეობას. ერევნის სახელმწიფო უნივერსიტეტი ჩაბმულია მსგავს პროექტში და შემუშავებული აქვს სამაგისტრო პროგრამა ევროპულ სამართალში. მათ იანვარში მიიღეს სტუდენტების პირველი ნაკადი, ამრიგად, ჩვენზე ერთი სემესტრით წინ არიან და გამოცდილებას გავგეზობინებენ. სემინარის სათაურიდან გამომდინარე სამეზობლო პოლიტიკაზეც ვისაუბრებთ. „ევროპულ სწავლებაში“ ამგვარ საკითხებს დიდი მნიშვნელობა ენიჭება და ეს კარგად უნდა გაიზაროს იმ პედაგოგებმა, რომლებიც ჩვენს პროექტში მიიღებენ მონაწილეობას“, – აღნიშნა ქალბატონმა ცირამ.

ახალი ინსტიტუტისთვის პედაგოგების შესარჩევად გამოცხადებული იყო სპეციალური, რამდენიმეტიანი კონკურსი, რომლის შედეგებიც, უახლოეს მომავალში, ოფიციალურად გამოცხადდება.

„ევროპული სწავლებები“ საქართველოში ახალი დარგია, ამიტომ ვერ არ გვაქვს კონკრეტულად სპეციალიზირებული პედაგოგები. ამიტომ, სასწავლო წლის პირველ სემესტრში, რომელიც, სავარაუდოდ, სექტემბერში დაიწყება, ლექციებს უცხოელი სპეციალისტები წაიკითხვენ. პარალელურად უნივერსიტეტის პე-

დაგოგებსაც გადავამზადებთ“, – განაცხადა პროფესორმა ალბან რიშარმა.

ევროპული სწავლების ინსტიტუტი თბილისის სახელმწიფო უნივერსიტეტის მეორე კორპუსში მეოთხე სართულზე განთავსდება. ეს იქნება დიდი სასწავლო ცენტრი ბიბლიოთეკით, სამუშაო კაბინეტებითა და კომპიუტერული ლაბორატორიით. პროექტში „ევროპული სწავლებების ინსტიტუტი“ თბილისის სახელმწიფო უნივერსიტეტის ოფიციალური პარტნიორები არიან თელავისა და ბათუმის სახელმწიფო უნივერსიტეტები, რომლის სტუდენტები დისტანციური სწავლების მეშვეობით შეძლებენ ახალ სამაგისტრო პროგრამაში ჩართვას. პროექტის ბიუჯეტი დისტანციური სწავლების ოთხშენის აღჭურვას ითვალისწინებს, როგორც თსუსის, ასევე ბათუმისა და თელავის უნივერსიტეტებში.

„თელავისა და ბათუმის უნივერსიტეტების სტუდენტებს საშუალება ექნებათ დისტანციური სწავლების მეთოდის საშუალებით განაცხადი სამაგისტრო პროგრამებზე გაეკეთონ. გარდა ამისა, დაგეგმილი გვაქვს ჩავატაროთ სპეციალური ტრენინგები პედაგოგებისთვის, თუ როგორ უნდა მომზადდეს კურსი დისტანციური სწავლებისათვის. სამაგისტრო პროგრამა თავიდან ინგლისურ ენაზე განხორციელდება, თუმცა, სამომავლოდ, დაგეგმილია ქართულენოვანი პროგრამის შექმნაც“, – აღნიშნა პროფესორმა ალბან რიშარმა.

პროექტი იმთავითვე ითვალისწინებდა ახალი სასწავლო კურსების ქართულ ენაზე თარგმნასა და პუბლიკაციას, რათა სამაგისტრო პროგრამა გაცილებით ფართო მასშტაბის ხელმძღვანელობაში გამხდარიყო.

„ჩვენ გვაქვს სასწავლო კურსები, მაგრამ არ გავაჩნია შესაბამისი სასწავლო ლიტერატურა. რასაც ლექციების სახით უცხოელი სპეციალისტები ჩვენს პედაგოგებსა და სტუდენტებს წაუკითხვენ, ვფიქრობთ მომავალში სახელმძღვანელოების სახით მათ გამოცემას“, – განმარტა ქალბატონმა ცირამ.

ევროპული სწავლების ინსტიტუტში სტუდენტების მიღება სექტემბერშია



დაგეგმილი. მანამდე სამაგისტრო პროგრამები უნდა მოინოროს და დაამტკიცოს თსუსის აკადემიურმა საბჭომ. შემუშავდება და გამოცხადდება ის კრიტერიუმები, რომელთა გათვალისწინებით მოხდება სტუდენტების მიღება ინსტიტუტში. ერთერთი უმთავრესი მოთხოვნა კი ინგლისური ენის სათანადო ცოდნა იქნება.

ბატონმა ალბან რიშარმა ხაზი გაუსვა დასავლეთის უნივერსიტეტებთან მომავალი თანამშრომლობის მნიშვნელობასაც და, ამ თვალსაზრისით, მოინონა ქალბატონი თამარ ბერუაშვილის (სახელმწიფო მინისტრის მოადგილე ევროპულ და ევროატლანტიკურ სტრუქტურებში ინტეგრაციის საკითხებში) იდეა ბათუმში საზაფხულო სკოლის ორგანიზებასთან დაკავშირებით. სკოლა შავი ზღვისპირეთის რეგიონის ქვეყნებს გააერთიანებს. მიმდინარეობს მოლაპარაკება ბათუმის უნივერსიტეტის რექტორთან. ამ მიზნით ბათუმის შემოგარენში მშენიერი ადგილი შეიჩნა. პროექტის „ევროპული სწავლების ინსტიტუტის“ შესყურონი ვარაუდობენ, რომ 2008 წლის ივნის-აგვისტოსათვის ბათუმის საზაფხულო სკოლა საერთაშორისო მნიშვნელობის სასწავლო ცენტრად ჩამოყალიბდება.

წიგნი სოცხალია და კარგად არის!

ევროკავშირის წევრ-სახელმწიფოთა წიგნების ერთობლივი გამოფენა

14-დან 17 ივნისამდე ექსპო ჯორჯიას საგამოფენო ცენტრის მეთერთმეტე პავილიონში თბილისის წიგნის IX საერთაშორისო ფესტივალი ჩატარდა. 15 ივნისს ფესტივალის ფარგლებში ევროკავშირის სპეციალური პროგრამა გაიხსნა: თბილისში მოღვაწე ევროპული ლიტერატურის ორგანიზაციებმა და ევროკავშირის წევრი სახელმწიფოების საელჩოებმა ერთობლივად წარმოადგინეს ლიტერატურა ევროპისა და ევროპული მსოფლმხედველობის შესახებ.

მაკა ლოკონენი

ევროკავშირის პროგრამა გახსნა ევროკომისიის დელეგაციის ელჩმა საქართველოში პერ ეკლუნდმა:

„ევროკომისია თბილისის წიგნის საერთაშორისო ფესტივალში, მართალია, მონაწილეობას მშვიდდებდნენ, მაგრამ წელს ევროპული წიგნების ერთიანი სტენდის გახსნა განსაკუთრებული აღნიშვნის ღირსია. ამ ფორმით ცვდილობთ, წარმოაჩინოთ რო-

გორც ევროპული ქვეყნების ერთიანობა, ასევე მათი კულტურულ-ლინგვისტური მრავალფეროვნება. დღეს მსოფლიოში უამრავი საინფორმაციო საშუალება არსებობს, მიუხედავად ამისა, წიგნი მაინც რჩება ინფორმაციის მნიშვნელოვან წყაროდ. ეს ფაქტი კი იმაზე მიგვიჩვენებს, რომ წიგნი არ მომკვდარა, ის ცოცხალია, კარგად არის და მისი კითხვა კვლავ სიამოვნებას გვანიჭებს“.

ბატონმა პერ ეკლუნდმა იმედი გამოთქვა, რომ წიგნის საერთაშორისო

ფესტივალზე წარმოდგენილ ევროპულ ავტორთა წიგნები ქართული მკითხველის ინტერესს გამოიწვევს, მის გემოვნებასა და შემოქმედებით სურვილებს დააკმაყოფილებს.

ლიტერატურული პროგრამა გერმანიის ფედერაციული რესპუბლიკის ელჩმა, ქალბატონმა პატრიცია ფლორმა გახსნა. მან ის დრო გაიხსენა, როდესაც აკრძალული წიგნები არსებობდა და ადამიანებს უფლება არ ჰქონდათ, ისინი შეეძინათ ან საზღვარგარეთ გაეტანათ. „მისხარია, რომ დღეს, თბილისში, ნებისმიერ ადამიანს შეუძლია მოვიდეს ამ გამოფენაზე, დაათვალიეროს და შეიძინოს არაჩვეულებრივი წიგნები. ჩვენთვის, ევროკავშირის წევრი ქვეყნებისთვის, უმთავრესი ფასეულობა სწორედ ბუჭდვითი სიტყვის თავისუფლებაა. მე ძალიან მიყვარს კითხვა, ახალგაზრდობაში დაცხადებულ წა-

ვლას წიგნის კითხვას ვამჯობინებდი ხოლმე. თქვენც გისურვებთ, წიგნების კითხვით დაგვეკმაყოფილებინოთ საკუთარი ინტერესები, სანუკვარი სურვილები“, – აღნიშნა ქალბატონმა პატრიცია ფლორმა.

წიგნის IX საერთაშორისო ფესტივალთან დაკავშირებით გამოვიდა გაზეთი „24 საათის“ სპეციალური ლიტერატურული დანართი – „ევროპული ლიტერატურა“. შეკრებულ საზოგადოებას დანართი „24 საათის“ ლიტერატურულმა რედაქციამა მალხაზ ხარბედიამ წარუდგინა.

„დანართი XXI საუკუნის ევროპულ ლიტერატურას მიეძღვნა. მასში გერმანელი, ბერძენი, ფრანგი, ინგლისელი და ავსტრიელი ავტორები წარმოდგენილი. ისინი ერთმანეთისგან წერის სტილით განსხვავდებიან. ავტორებს არაერთი ლიტერატურული ჯილ-

დო თუ პრემია აქვთ მიღებული. ლიტერატურული დანართი დაინტერესებულ მკითხველს ევროპაში ლიტერატურის უახლესი ტენდენციების გაცნობის კუთხით დაეხმარება“, – განაცხადა მალხაზ ხარბედიამ.

გამოფენაზე მოსულ სტუმრებს გერმანელმა, ფრანგმა და ავსტრიელმა ავტორებმა საკუთარი წიგნებიდან ნაწყვეტები წაუკითხეს. პრეზენტაციის ფარგლებში გაიმართა ევროკავშირის სასკოლო ვიქტორინა, რომელსაც, ტრადიციულად, ტელეკომპანია „მზე“ ატარებს. მასში 189-ე სკოლიდან ორი გუნდი მონაწილეობდა. ვიქტორინაში მონაწილეებს ევროკომისიის დელეგაციის ელჩმა საქართველოში პერ ეკლუნდმა საჩუქრები გადასცა და იმედი გამოთქვა, რომ მომავალში საქართველო ევროკავშირთან თანამშრომლობას გააღრმავებს.




რა... სად... როდის...

ბანაღის ერთერთ კლინიკაში ორმოცდაორი წლის მამაკაცს ფეხების სისხლძარღვთა ოპერაციას უკეთებდნენ. წარმოიდგინეთ ექიმების გაოცება, როდესაც მას არტერიში კათეტერის შეყვანის დროს ვენიდან მუქი მწვანე სისხლი წამოუვიდა. გაოგნებულმა ექიმებმა წინასწარ აღებული ანალიზები გადათვალისწინეს, პაციენტს ყველაფერი აბსოლუტურად ნორმაში აღმოაჩნდა. შემდეგ ოპერაცია წარმატებით დაასრულეს და ანომალიის შესწავლას შეუდგნენ. როგორც გაირკვა, ავადმყოფს დიდი ხნის მანძილზე შაკივი აწუხებდა და სისტემურად იღებდა პრეპარატს, რომელიც სულფალიმანიდებს ჭარბად შეიცავდა. ხოლო, როცა გოგირდის ატომი გემოგლობინის მოლეკულაში ხვდება, სწორედ ასეთი ეფექტი შეიძლება გამოიწვიოს. შემოთავაზებული ექიმებს არ დაუკონკრეტებიათ, მოახერხეს თუ არა პაციენტის სისხლის განთილება.



ინტერნეტ-გიგანტი Google კიდევ ერთხელ გახდა სკანდალის მიზეზი. ამჯერად მას პირადი ცხოვრების დაცვის კანონის დარღვევაში ადანაშაულებენ. ევროპელი ადვოკატების ჯგუფმა Google-ის ადმინისტრაციას წერილობითი გაფრთხილება გაუგზავნა. მათ აინტერესებდათ რისთვის ინახავდა გიგანტი სარეკლამო სისტემა მომხმარებელთა შესახებ კონფიდენციალურ ინფორმაციას და მათი მოთხოვნების სიას. ჩინოვნიკებს ისიც აინტერესებდათ, მონაცემთა ეს ბაზები რამდენად დაცული იყო. Google-მა პასუხად აცნობა, რომ თუ ადრე მონაცემები სერვერზე განუსაზღვრელი ვადით ინახებოდა, ახლა ეს ვადა 18-24 თვემდე შემცირდა. ადვოკატები ამ პასუხს არ დაუმყოფილა და განაცხადეს ევროსასამართლოს მიმართვათა, მაშინ Google-მა მათ მოლაპარაკება შესთავაზა და განაცხადა: - დარწმუნებული ვართ, ადვოკატებისგან ბევრ სასარგებლო რჩევას მივიღებთო.

ავსტრალიის სამმა სპეციალისტმა შინაური ცხოველებისთვის ვირტუალური ლობე შექმნა. ეს სიახლე მარტივ პრინციპზეა აგებული. თავდაპირველად ფერმერი კომპიუტერს, თანამგზავრული ნავიგაციის საშუალებით, შემოღობილი ტერიტორიის კოორდინატებს აწვდის. შემდეგ პროცესსა და ცხვრებს ყელზე ელექტრონულ ყელსაბამს უკეთებს. როგორც კი ცხოველი ვირტუალურ ლობეს 1-2 მეტრით უახლოვდება, «ჭელსაბამი» გამაფრთხილებელ სიგნალს გამოსცემს. თუ ცხოველი სიგნალს ყურადღებას არ მიაქცევს და ვირტუალურ ლობეს გადალახავს, მონაცემები მას უწვებელი, მაგრამ საკმაოდ მტკივნეული დარტყმით «დაასაჩუქრებს». ცდებმა გამოავლინა, რომ ახალ წესრიგს ძროხებმა ზუსტად ერთ საათში აუღეს ალღო. მეცნიერებს მიაჩნიათ, რომ პრობლემები არც ცხვრებთან შეექმნებათ.



USA TODAY-მ გამოაქვეყნა იმ აღმოჩენებისა და გამოგონებების სია, რომელმაც ბოლო ოცდასუთი წლის მანძილზე ჩვენი ცხოვრება მკვეთრად შეცვალა.

- მობილური ტელეფონები - პირველი დამოუკიდებელი მობილური ტელეფონი motorola-მ გამოუშვა და იგი თითქმის ერთ კილოგრამს იწონიდა.
- ნოუთბუქები - როგორც კი პორტატული კომპიუტერი გამოჩნდა, ერთ წელნადაში 53000 გაიყიდა, თუმცა მისი ფასი თავდაპირველად ძალიან მაღალი იყო.
- პეიჯერები - რომელმაც ადამიანთა ყურადღების კონცენტრაციის საშუალო დრო ძალიან შეამცირა.
- სადებეტო ბარათები - რომელმაც ნაღდი ფულის ბრუნვა შეამცირა.
- ტელეფონის ნომრის ამოცნობი, ავტო-მოპასუფესთან ერთად - ამ გამოგონებამ ადამიანები აბეზარი საზოგადოებისგან გაათავისუფლა.
- DVD - ციფრული ვიდეო-დისკის გამოჩენით, ფირის დაუსრულებელ გადახვევებზე დახარჯული დროის ეკონომიის საშუალება გაჩნდა.
- IPOD - ლეგენდარული პორტატული პლეერი, რომლის წყალობითაც ადამიანებმა ქუჩაში სხვაგვარად დაიწყეს სიარული.
- ავტომატური ბატარეები - რომელმაც ახალი ტექნოლოგიების არეალი გააფართოვა.
- ავტომატური ბენზინ-გასამართი სადგური - ისევე, როგორც ბანკომატმა, მომსახურების დრო შეამცირა.
- სალათი პორციული პაკეტი - ამ პროდუქტის გამოჩენამ კომერციის ახალი ფორმა, პორციებად დაფასოებული სურსათით ვაჭრობა წარმოშვა.
- ციფრული ფოტოაპარატი - რომელმაც ფოტოგრაფირების და ბეჭდვის პროცესი ძალიან გაამარტივა და ყველასთვის ხელმისაწვდომი გახადა.
- დობლერული რადიოლოკატორი - მას შემდეგ, რაც დობლერულმა რადიოლოკატორმა ამინდის პროგნოზის ტელეტრანსლაცია რეალური დროის რეჟიმში დაიწყო, საზოგადოებამ ამინდის პროგნოზის ფანატისკოსად გადაიქცა.
- ბრტყელკანიანი ტელევიზორები - ციფრულ ტელევიზორთა 68% უკვე ბრტყელ ეკრანია.
- მაღალტექნოლოგიური ფესაცემელი - ბოტასების გამოჩენამ, ჩვეული სპორტული ფესაცემელი ბაზრიდან გააძევა.
- ინტერნეტ-ბირჟა - ადამიანები ძვირად ანაზღაურებადი ბროკერების მომსახურებისაგან გაათავისუფლა.
- ერთჯერადი კონტაქტური ლინზები - მისი წყალობით ადამიანებს ძვირადღირებული ლინზების დამსხვრევის აღარ ეშინიათ.
- ციფრული ტელევიზია - ტელემაციურებელს არჩევანის საშუალება მისცა.
- საოჯახო თანამგზავრული ტელევიზია - ანტენა-თეფშის გამოჩენამ, ეს არჩევანი კიდევ უფრო გააფართოვა.
- კარაოკე - ახალი ინტელექტუალური გასართობი წარმოშვა.
- ჰიგიენის საშუალება Purell - სითხით გაჟღენთილი ხელსაწმენდების გამოჩენამ, ამ სფეროში გადატრიალება მოახდინა.
- ელექტრონული ანაზღაურება - სათავე დაუდო ახალ, ელექტრონულ კომერციას.

მასალა მოამზადა მანანა მიქელაძემ


ამერიკელმა მკვლევარებმა დაადგინეს, რომ თავის ქალის მძიმე ტრავმის დროს, მისი 32-33 გრადუსამდე გაგრილება ფატალურ დასასრულს ცხრამეტი პროცენტით, ინვალიდობას კი ოცდაორი პროცენტით ამცირებს. ამისთვის მათ 1069 პაციენტის ავადმყოფობის ისტორია შეისწავლეს. ტრავმები ძირითადად გამოწვეული იყო ავტოკატასტროფებით, უბედური შემთხვევებით ან სპორტული შეჯიბრებების დროს. ტემპერატურის დასწევად სპეციალური თერმული პლედი და ყინული გამოიყენეს. სწავლულები ვარაუდობენ, რომ ჰიპოთერაპია ნივთიერებათა მიმოქცევის პროცესს ანელებს და ამით ტვინის ფუნქციონალურ დატვირთვას ამცირებს.



ბერბანიაში „პირატთა პარტია“ დაფუძნდა. იგი შეედგენის ამავე სახელწოდების პარტიის ანალოგითაა შექმნილი. „პირატები“ ცოდნის თავისუფლებას და ამ თვალსაზრისით სამართლიანი საზოგადოების ჩამოყალიბებას ითხოვენ. მათ მიაჩნიათ, რომ საავტორო უფლებების და პატენტების ვადები უნდა შემცირდეს და ინფორმაცია, განსაკუთრებით გენური ინფორმაციის სფეროში, თავისუფლად უნდა გავრცელდეს. გარდა ამისა, თავისუფლად უნდა იხსნებოდეს და ასლის გადაღების საშუალებას იძლეოდეს იმ გამოკვლევათა საიტები, რომელსაც სახელმწიფო აფინანსებს. „პირატთა პარტია“ 2009 წლის არჩევნებში მონაწილეობის მიღებას აპირებს.

უნივერსიტეტის გაზუთის უნივერსიტეტი „PEN-მანათონში“ მონაწილეობს

28 ივნისს წინანდალში ლიტერატურული კონკურსი „PEN-მანათონი - 2007“ გაიხსნა. კონკურსში გაზეთ „თბილისის უნივერსიტეტის“ ჟურნალისტი მკვა ლოკონიცი მონაწილეობს, რომლის მოთხოვნამაც - „აქც ცხოვრობს ლალი“ - მონაწილეობა დაიმსახურა და ის 26 მონაწილესთან ერთად კონკურსის ფინალში გავიდა. კონკურსის ორგანიზატორები არიან გამოქვეყნებული „ლიოგენე“ და მობილურის კონტენტ-პროვაიდერი „ჯეოლანი“. „PEN-მანათონი - 2007“ ალექსანდრე ჭავჭავაძის სახლ-მუზეუმში გაიმართა. კონკურსის პირველი პრემია - 3 000 ლარი „ჯეოლანმა“ დაანახა. მეორე პრემია - 1 500 ლარი და მესამე პრემია - 1 000 ლარი გამარჯვებულებს კონკურსის სპონსორები გადასცემენ. ფულადი პრემიის გარდა, კონკურსის გამარჯვებულს პრიზი - „ვერცხლის ლიოგენე“ გადაეცემა. წარმატებული ავტორის წიგნის გამოცემას „ქართული შუაერი“ უზრუნველყოფს.



რედაქციისაგან

გაზეთი „თბილისის უნივერსიტეტი“ სასწავლო წლის დაწყებამდე აღარ გამოვა. გთხოვთ, მოგვანოდოთ თქვენი შენიშვნები, წინადადებები - როგორი წარმოგიდგენიათ უნივერსიტეტის გაზეთი, რომელიც, პირველ რიგში, თქვენი გაზეთი უნდა იყოს! მომავალ შეხვედრამდე!



რედაქტორი	ნინო კაკულია
ტექნიკური რედაქტორი	გივი შეყილაძე
სტილისტი, კორექტორი	მანანა ჯურხაძე
კომპიუტერული უზრუნველყოფა	თამარ ქავთარაძე

რედაქციის მისამართი:	მისამართი: ილია ჭავჭავაძის გამზ.1
რედაქციის მისამართი:	22 10 34
რედაქციის მისამართი:	www.tsu.ge
რედაქციის მისამართი:	@ newspaper@tsu.ge